

石屏詩集

五

本草綱目

四部叢刊續編

石屏詩集

(一〇二一八)

翻刻必究

中華民國二十三年八月初版

本書實價國幣叁元柒角

外埠酌加運費匯費

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

石屏詩集卷第九

附錄

戴東塾詩

東塾諱馬字景明宋嘉定己卯應舉登第授贛州法曹參軍有東塾農歌

世集行

莫悲秋

傷春非貞女悲秋非烈士時運自循環我心如止水
剝固復之機榮乃悴之始未識天地妙胡為浪
悲喜鷗蓬或數仞鵬海或萬里大小何必齊蒙莊
未窮理



次黃叔絜茶隱倡酬之什

美人隱於茶性與茶不異苦澁知餘甘淡薄見真
嗜肯隨世俱昏寧墮衆所棄靈雨滋山腴迅雷起
龍睡草野未敢花春芽早呈瑞闢水湏占一焙火
不落二趣深同誰叅雋永時自試葱姜勿容潤瓜
蘆定非類標名寓玄思微吟寫清致成我君子交
從彼俗客恚嚼芳懃泉石包貢免郵置遼遼玉川
翁千載共風味

雜言

衆芳以春榮萬葉以秋肅造物持其權兒戲恣翻
覆亭亭山上松蕭蕭澗邊竹超然榮肅中正色閑
寒燠

提壺勸我飲布谷催我耕我酒餅已罄我田草正
生荷鋤理荒穢及時新雨晴秋來刈吾秫庶得兩
遂情

逸翻凌丹霄潛鱗縱深壑天分安所適翔泳同一
樂短吟五七字薄酒三四酌浩氣與春風相從滿
寥廓

侍屏翁遊屏山分得水字

携琴入空山脩竹翠相倚一曲千古心泠泠寄流水
拂雲卧白石冥搜契玄理有時采薪人歌聲隔林起

秋日過屏山庵

淒切抱葉蟬間關棲樹禽入山本避喧復愛聆此
音微颺動夕爽薄雲散秋陰衆籟闐以靜片月生
東林

山泉清且甘漱之冷侵骨拂苔坐石上松風更蕭

瑟瑟悠悠行空雲何心自出沒六鑿忽玲瓏吾計良
未失

夏肯甫曉山亭

開檻納晨光隱几挹寒翠以我胸中真會彼景外
意孰因夜息存孰使晝枯累念慮方清明體認貴
切至栽栽成九仞進進基一簣勗哉亭中人涵養
玉其粹卷書意何如顏回坐忘地

春日偕兄弟侍屏翁遊晉原分得外字因集
句而成

春雨晴亦佳

杜甫

適與賞心會高適初日照高林常建幽

泥化輕塏

韓愈

步屣隨春風杜甫始覺天宇大劉禹錫牽

懷到空山

韓愈

逍遙白雲外孟浩然青松夾路生陶潛童

童狀車盖

杜甫

清川帶華薄劉德陰壑生虛籟杜性達

形迹忘

韓愈

傲然脫冠帶馬融薄暮方來歸范月

光搖淺瀨

柳宗元

唐李涉有山中五無可奈何詩戲用其體作

秋日四章

無柰秋風何怒號震林木
若我井上桐一夜失寒

綠莫作搖落悲妙理在觀復

無柰秋月何鍊魄金氣精炯炯一輪滿天地水壺
清照我方寸景表裏同光明

無柰秋山何萬疊淺深碧起來樓上看朝爽浮几
席稜稜政自高更養靜壽德

無柰秋水何悠悠盪輕桹上下天一碧顛倒涵萬
象愿從雙白鷗生涯寄浩蕩

孤桐行

孤桐結根倚崖石俯瞰清溪照虛碧枝葉扶疎未

夏寒上有翔鸞舊棲迹風霜冉冉歲月深老柯半
朽蒼皮蝕其中素抱金玉聲以暗投人人不識人
不識多苦心樵夫斤斧莫相尋寧教枯死倒澗壑
不從爨下求知音

逐瘡鬼

咄哉瘡鬼何冥愚沉魄猶滯江流居孰云胄出高
陽氏而乃不肖如此歟爲妖常闖秋令動作威又
竊炎官餘今年恣睢逞暴害十戶九室聞嗟吁人
生一歲一寒暑自有大瘡纏其軀翻手爲涼覆手

暖笑爾禍福纔須臾癡兒騃女或汝怖那能嚇我
烈丈夫汝不記少陵詩句有神語子璋髑髏血摸
糊昌黎譴逐更多術灌毒炷艾揮靈符今來古往
共憎疾柰何長惡終不渝胡不學鮫人細織水綃
製雲裾胡不從湘君緩移桂擢搴芙蕖乃甘卑溲
賈衆怨厭穰唾罵無時無爾來經旬瞰吾室再三
謝遣猶踈踈吾詩吾酒既不廢汝窮汝技將何如
大江秋色正瀟灑明月皎皎風踈踈便須悟悔遠
歸去嘯嘯呼侶相嬉娛夜闌吟徹欲就睡燈花照

石屏卷九
眼團如珠夢回病思砉然散颯颯風籟生庭梧

書初考

得考雖多幸無功祇自嫌但求官速滿不道老同添
卑拙翺蓬鷄艱辛上竹鮎黃花寒更好三嗅憶陶潛
辛亥九日被檄視滂遂爽同官飲菊之約夜
宿荒驛風雨達曙

孤負重陽菊愁懷不肯寬郵亭一夜兩客枕五更寒
脚健從渠老心低到處安獨行誰可語時把古詩看
納涼即事

炎蒸欣傍晚掃地坐寬涼入竹風逾冷生荷水亦
香蟻行綠食几螢照落書床聽得農人語今年稻
穗長

侍屏翁領客遊雪山分得生字

雪峯峯頂寺來此定詩盟山瀑分雲影松風亂雨
聲眼明春樹綠心惺曉鐘清未好言歸去塵中事
又生

偕兄侍屏翁探梅屏山分得空字

踏破登山屐來尋傍水叢眼明千樹底春在數花

中格瘦詩難寫香寒酒易空
狂歌歸秉燭驚恠走兒童

豈潜弟平遠圖

卜築占寬閒脩篁老樹間
八窓開宇宙一室貯雲
山野曠行人少天遙云鳥還悠然會心處妙語徹
玄關

謝趙山臺見訪

寂寞海東頭殷勤貴客舟
如何經歲約祇作數宵
留清玩分行篋高吟壓小樓
更須謀再會同醉菊

花秋

牖前見蘭花

蘭叢纔一幹，獨向牖前開。
托蔭偏宜竹，先春不讓梅。
韻從幽處見，香自靜中來。
便欲紉芳佩，靈均喚不回。

安居

安居元自好，春晝更遲遲。
雪涌煎茶鼎，雲生浴硯池。
栽荷填廢沼，移竹補疎籬。
猶有閑光景，歌眠續舊詩。

次韻屏翁詠梅

芳信基花事東君思亦奇橫枝踈蓓蕾半樹老丰
姿心共寒霜苦香惟夜月知最憐清夢覺踈影竹
窻時

次韻屏翁觀梅

曉寒籬落外一見一番新喚覺群芳夢先鍾萬古
春冷香宜醉寢真色任煙隣更喜連朝雪飛花為
辟塵

項宜父涉趣園